

Deo optimo maximo uni & trino, Virgini Deiparae, & sancto Lucae orthodoxorum Medicorum Patrono.

Q V Æ S T I O M E D I C A

1309

Cardinalitiis disputationibus manè discutienda in Scholis Medicorum die Jovis 8. Aprilis.

M. JOANNE-BAPTISTA DE REVELOIS, Doctore Medico, Præside.

An vinum Rhemense sit omnium saluberrimum?

ITA fato placuit nullius rei eodem loco stare fortunam. Quidquid à tempore duxit originem, eadem debet incrementum & finem. Frustra recurrit amoenissima tempestas illa quæ Pleiadum ortum juvenili apparatu prædicat, incassum virecunt arbores & gramina : In hoc naturæ veluti renascens ludo, una cum ceteris animalibus & plantis homo senescit in dies, & donec ultimum attingit irre-meabili viâ deferatur ad occasum. Quisque suos habet in se reconditos hostes, quin dicam amari & foret: extrinsecus etiam quasi agmine facti ruunt in ejus perniciem pestes acerrimæ; tempestatum & cæli maxime Parisini varietas, crapula medicorum nutrix; amor omnium paræthematum syndrone, labor & quolibet labore deterius otium, curæ mentis individua comites. Ipse calor insitum dum hospitis in modum humido excipitur, mox illius molitur exitum, sibimet fruit infidias, & Cadmice laniatus occumbit certamine. Natura minus noverca quam parens, tot ruinis exhausta subsidium quærit quo quam fecit jacturam faciat, & pro vario corporum statu in eligenda instaurationis ratione illius erant solertia.

REFICIENDIS partibus comparatum est alimentum, quod editorum in lucem ore tractum, in ventriculo coctum, recoctum in hepate, inquinamentis omnibus in corde purgatum, in arterias, & ab his in abstrusiores corporis particulas roris modo permeat, & ibi numeris omnibus absolutum, in naturam naturam facessit. Hoc porro alimentum duplicis est generis, solidum & liquidum, quo quam solido repleti multo facilius est. Illud enim tardius & ægrius, hoc citius leviusque subit: utque inter solida præstatum panis, sic inter liquida vino assignamus. Utriusque vires si inter se conferas, antequam vis panis intro sese dare incipiat, jam vinum per cuncta partium meabile, calorem quasi divinum secum importat, & vite spiritum, momento quoque reversum diffunditur, ita ut si quid mirum in sublunaribus, si quid in elementari mundo æthereum redoleat, vinum merito & ubique expetitur inter thesauros miseris mortalibus concessos maximè sit reponendum. Abeant itaque abstemij, fugiant beozardici, futillumque tot confectioum præcones, habes in mero cardiacum non injucundi gustus, nec eventus dubij.

SUCCUS è maturis vitis domesticæ uvis expressus, coctus, & purgatus, vinum dicitur, quod mundi humiditatem parte jam subactâ, trans maria ad novas regiones deportatum sic placet omnibus, ut quæ gentes divitiis circumfluunt eo defectæ se credant penitus egenas. Viris mundo coeva Deum auctorem agnoscit, cultorem Nohemum, quam licet Hispania, Italia & nonnullæ aliæ nationes pro vernaculâ habeant, Gallia tamen acceptæ licet serius illius plantæ, sibi arrogat principatum. Hic studiosè colitur & hic paucorum mali existit singulare præsidium. Franci siquidem celeritatis animi moribus & quolibet exercitiorum genere cum frequenter percellantur, præsto ubique est promptissima hæc languentium medela & vires dejectas subito reparat. Vide, ne ænanthinum à labruscâ, ab immaturis uvis omphacinum, mustum, mustum, oinodes, hydatodes meraco adjicias, vinum enim calidum humidum dotibus præfulgens spiritibus, tibi adent timoris pharmacum, senectutis solatium, somni illecebra, fomès spirituum, ingenij stimulus, mæoris spongia, potantium demum ingenio sese accomodans atque subserviens.

TENENDÆ rerum similibus dissimilitudines, hic fegetes illic uvæ felicius adulescunt, & ita solo se præbet natura facilem, ut licet ejusdem vitis radicem aut furculum alienæ terræ inferas, artem perdis & operam nisi solum analogiâ suâ faveat votis & foveat insitum. Quæque suos fructus effert plaga, quælibet mater etiam viriosiores natos: testibus hisce ne fidito, vinum penitus defæcatum probat substantiæ nitor, optimæ coctum fragis genuinus sapor, grata & aromatica ad nares exspiratio testatur tenuissimum. In colore natura ludit, prædictis tamen notis, si rubellus accedat, merum jucundius sumitur & citius coquitur. Ex nostratibus vinis album urinis & sudoribus movendis multum, parum nutritioni confert. Inter exoticas, flavescens Hispaniæ patrium calorem arguit, & incendium, & sub cinere doloso latet ignis in frontignano. Scrutare demum quas mero luxuriantes terras fama elevat, Burgundiam, Franciam, Campaniam, nullam invenies nationem, nullum oppidum quod se salernum non dixerit, sed ne quid fallaris, unam adito campaniam.

NULLA civitas cuilibet intuenti gratior Rhemensis: diceret ad risum & delicias arte conditam, quippe præsentibus in campis ad fluvium sita æqualiter & penè in orbem montibus cingitur. Inde Tessiacum, Rillium, hinc sanctum Theodoricum spectas, Verzenacum subinde, Cameram vini, Chinacum & ab adjacentes propiciis colles: ubique choreas agit lyæus, & ubique artis & arbuti, solis & soli fausto cursu, vinum junctis perficitur dotibus, quas alij liquores non obtinent nisi solitarias. Vix tenuitati æque non nihil parvadvertenti cedit ipsius substantia, crederes colorem esse cujusdam liquidioris rubinorum acervi: nihil illius odore fragrantius spirat Arabia, nec sapore nectâr exultit suavius. Ab his absolutæ coctionis argumentis, læta omnia, nec timenda quæ deterioris vini usum sequuntur in commoda, nihil inde est quod in ipsis faucibus angat, quod sacrae mentis arci & imis sensibus inertiam torporemque diffundat, à quo mæoris pulentque tempora, evertatur stomachus, incendantur viscera, vino ad vesperam indulseris, sequenti luce alacer redibis ad munia.

Ergo vinum Rhemense est omnium saluberrimum.



Asserebat PETRUS LAURENCEAU, Campanus. A.R.S.H. MDCLXXXVII.

Tessiacum,
Rilly,
S. Thierry,
Verzenay,
proche Sil-
lery, Cha-
meri, Chi-
ni.